

SVPER
NATA DEIPARA
VATICINATIO
SACRA

Latine, & Græcè, oratoriè, ac poeticè
pertractata.


A

FRANC. ALOYSIO COLUMNA ROM.

D. FERDINANDO CARAFA NEAP.

IACOBO TOLOMEO PISTORIEN.

Semin. Rom. Conu.



ROMÆ,

Ex Typographia Iacobi Mascardi.
MDCXXXI.

SVPERIORVM FACVLTATE.

ИЗДАНИЕ
НАТА ДИНА

ИЗДАНИЕ
НАТА ДИНА

ИЗДАНИЕ
НАТА ДИНА

ИЗДАНИЕ
НАТА ДИНА

ИЗДАНИЕ
НАТА ДИНА

ИЗДАНИЕ
НАТА ДИНА

ИЗДАНИЕ
НАТА ДИНА

ИЗДАНИЕ
НАТА ДИНА

NATA DEIPARA

Consulebat Sibyllas more Romanorum

FRANCISCVS ALOYSIVS COLUMNA.



I nouum aliquod Prodigiū diuinitus factum apparuisset in terris; illud solemne veteres Romani seruauerunt, vt ex Senatus consulto Antistes quindecimvirorum aliquis vnus libros adiret Sibyllinos & mox Patribus, & Quiritibus obseruata oracula renunciaret. Ostentum profectō mirabile Ioachinus & Anna genuerunt pręgnante, nisi fallor Æthere vniuerso: nata siquidem

Puella cernitur tanto lumine circumfusa, vt Solis personam, & Lunę cothurnos, cęliq. Thiarā induisse videatur; neque enim coloratam, vel inauratam solum extrinsecus; sed fusam, expressam, & solidatam Sole per corpus omne distributo dixeris; calceatam etiam soccis Luna plicatili bracteatis, stellisq. plexis, & coram Sole fulgentibus cincinnatam. Quid sibi tandem vellet cęlo tam carum, nobis tam dulce portentum, iussus ego sum Sibyllinos codices ex meorum sodalium consulto consulere: & nunc reuersus omnem peractam rem, si fas, & tutum ex mortali voce, diuina sensa vulgare, libentissimē ad vos refero, vt quoniam oracula flexiloqua sunt, & ambigua, super ipsa diuinatione diuinemus simul.

Cluius igitur Capitolino superato, quasi accepto augurio triumphandi, subterraneam Prisci Tarquinij cellam aggressi, expugnaui-
mus arcam lapideam, ex qua volumina conquestis vndique trium Sibyllarum versibus descripta cum primū aperirentur, incidimus in Cumane Phœbadis vaticinationes texto linteo comprehensas. Hęc est Anus illa fatiloqua, & hospita incognita, quę sub ipsum Olympiadum exordium noua Olympi secula vaticinans, libros nouem Tarquinio venales ingenti pretio obtulit, cumq. ob irrisiōem binam sex libros incendisset, instans incendio reliquorum, tæstus Aruspicum religione Rex, nihilo minore pretio mercatus est reliquos tres, quā quod pro nouem integris persoluisset. Sed nobis, & tri-

bus voluminibus cum implorato numine sortem animo collineat-
mus in modo natam infantem, vnus incurrit in oculos versiculus ille
percelebris

Magnus ab integro seclorum nascitur ordo

Iam redit & Virgo. Quem sanè versum nescio quo pacto ca-
stigatissimus Poetarum Virgilius in palmarem adulationem lapsus
à veritate transiit ad voluptatem, mentitus nostræ Matris glo-
riam in filio Pollionis, euentu tamen infelicissimo. Sed quàm felici-
ter cadat in Virginem nouus hic ordo seclorum ab integro, non
satis percipio; cum series temporum certa iam apud omnes natio-
nes habeat & nominis, & enumerationis exordia. Hebræi enim
sicuti ab orbis molitione prima, tum à generali diluuiò, & mox ab
Abrahæ exitu de Caldeis, antiquissimas Epochas distinxerunt;
ita postmodum ab egressu ab Ægypto, & à lege sancita per Mosè-
m, tum à templo fundato, mox à reparato renouantes Aera, seculo-
rum ordines distribuunt. Romani verò non solum cum Varrone
tria illa discrimina præcipua, humani generis ortum, prioremq.
Cataclismum, & accuratissimam seclorum notam Olympiadas
receperunt; sed ad vrbe deinde fundata, à libertate condita per Bru-
tum, à Cæsaris imperantis correctæ Solis, ac Lunæ canonica tempo-
rum tesseras partitas habent; Non ergo spectat ad natam nuper in-
fantulam nouus hic ordo seclorum. Verum si non sine impetu di-
uum sonuerunt carmina Sibyllarum; cum in partu versetur, &
agamus de Virgine, profectò non à lege Moïsi amplius, non à tem-
plo fundato, non ab Vrbe libera, non ab imperante Roma, sed à
partu Virginis quocumque tandem modo futurum id sit, lege nimi-
rum Moïsi abrogata, diruto Sinagogæ templo, vrbe Regina reli-
gionis veræ iugo subacta, à partu inquam nostræ Virginis incipient
Anni & secula numerari: imò ipsa felicitas temporum, & felicitatis
æternitas exoriri, Sibylla nostræ infantulæ continente

Magnus ab integro seclorum nascitur ordo.

Sed nescio quid maius omni seclorum ordine nasceretur ex infante,
nata, si satis intelligo Sybillæ alterius responsum, quod præsto fuit
nobis dum secundum inspiceremus codicem oraculorum. Hæc illa
fuit Herophile, quæ Sibyllarum antiquissima stirps, & principium,
originem æterni Verbi è saxo Delphico resonabat. Helenamq. in-
bigamia fecundam solum excidijs Asiæ, atque Europæ vaticinata,
puellam nostram cum virginitate fertilem publicæ salutis asseuera-
uit in carmine.

Virginæ dabitur partu stirps magna Tonantis.

Vnus hic versiculus, Deus immortalis, quantam felicitatis mate-
riam digerit, quot miraculorum legiones nobis euoluit. Mirum
enim

3

enim fuit è viro cælibe, deliciarum in hortis, oriri tæminam parentem omnium, qui nascerentur in terris: at nos è sœmina Virgine quæ conclusus etiam dicitur hortus, oriri videbimus virum parentem omnium qui nascentur in cælo. Cum suprema forma virginitas quando cohæret? & tamen non cum pulchritudine solum virginittatis, sed gloria virginalis cum sœcunditate, imò & cum humanitate diuinitas componitur in hoc carmine: cuius argumentum, & persona Deus est rerum omnium conditor simul, simul conditur ex massa corporea concretionis virginis, subactus etiam ærumnis mortalium. Diuino capiti ceruicem iungit humanam quodammodo poësis hæc, nec irridenda tamen, sed admiranda magis, ac magis. Virginitatem enim angelicæ naturæ sororem esse noueramus prius, sed parentem etiam heri Numinis cognoscemus in puella, quæ canitur. Cuius sœcunditas pretium faciet cœlibatus, odore sœmæ virginalis supra quam cogitari possit suauissimo. Filio siquidem ex illibata Matre nascituro non frangetur alabastrum, & vnguentum effluet, ad numerum scilicet Sibyllæ canentis

Virgineo dabitur partu stirps magna Tonantis.

Verum huius vnguenti virginalibus odoremntis confecti suauitas non solum in nos effluet, sed vbique gentium, atque locorum vel in ipsa ferarum pectora benignitatis, ac pacis halitum assatum dicitur à Sibylla tertia, cuius monumenta postremo recognoscebamus loco. Hæc est autem illa Demophile cognomento Erithræa, quæ Babilone orta occasum Pabelis cecinit, extremo Dei generali iudicio decantato. Hæc quæ bello Troiano prior pacem solidam animis quantumuis hostilibus regnante nostra Virgine promisit his versibus

Latari nunc Virgo decet. te Praside pacis

Accumbet tuta Agna Lupo, sociabitur Vrso

Caprea, nec magnos metuent Armenta Leones.

Venit hic in mentem viridarium illud voluptatis, antequam Pater Orbis terrarum manu ad pomum vetitum porrecta fenestram patefecisset posteris ad nequitiam. Tunc enim Brutæ animantes vno quasi partu procreatæ, & sœlicis illius regionis vbertate, velut eiusdem nutricis mamma collactancæ, tam æquo, ac modesto iure æuum agitabant aureum in Adami verba iuratæ, vt ex tanta colluvie hostilium animorum nullum facinus illiberale prodierit, nulla suspicio discrepantiæ. Nunc igitur si nostræ Virginis ad nutum atque conspectum, feræ ipsæ nec rapaces vnguibus, nec dentibus mordaces, nec virulentæ venenis esse dicuntur, sed primas leges modestiæ, & priscae rationes officiorum rursus edoctæ pacem agitare communitatem: quis non videt puellam hanc, quia par est innocentis parentis

tis primi, futuram etiam matrem familias renovati generis, quæ in
 aureum concordia seculum, beatumq. domicilium felicitatis, reuo-
 cabit posteros ab ætate hac turbulenta dissidijs, & sceleribus lu-
 tulenta. O nos igitur Sibyllarum etiam carminibus fortunatos
 quibus si rursus aperitur aditus ad vitæ immortalis hortos flammeo
 Cherubini gladio custoditos, quid hic otiamur inani cir-
 cuitione verborum, recto potius gressu vir-
 tutum, Duce tanta Virgine,
 properemus.



NATA DEIPARA

Consulebat Rationale Iudicij more
Hebræorum

D. FERDINANDVS CARAFA

Oratio Græcè habita, Latine sic reddita.



LIVD ex alio Prodigium : neque enim vno bonorum flamine tela textitur felicitatis nostræ, sed plurium operum admirandorum calculo vincit septem mundi miracula Virgo mirabilis. Etenim vbi super ea nuper exorta maximum ex Aronis genere Antistitem consului, quæ meæ partes erant : pectoralem ille tunicam quadripartito gemmarum fatidicarum ordine textam, ceu rete gemmatum expiscandæ veritati, sacras inter preces explicuit. Tum verò smaragdus primi ordinis gemma tertia, cui nomen Tribus Iudæ legebatur inscriptum, mutata serie medium occupauit locum, tantoq. fulgore viriditatis collucere, ac vibrare cepit, vt lapilli cæteri prægrauati lumine & virore perfusi, in orbem sese vtrò disponderent, lucem smaragdinam ceu reginam coloris ac pretij coronantes. Hæc enimvero miratus Antistes : Smaragdus inquit, stirpem Iudæ, hoc est Puellam hanc regij sanguinis notans, quid portendat intelligo. grata enim oculis Gemma, qua nihil cernitur libentius, & quæ scalpro nunquam læsa sensus impuros pellit ex animo, virginitatem Heroinæ huius æternam insinuat; neque enim humana opera scalpitur illæsa viriditate pudoris; & oculos Dei conspiciendis nostrorum scelerum sordibus veluti fatigatos oblectat. Illud non perspicio satis, cur nimirum cæteri lapilli reliquum Abrami populum significantes tantum obsequium deferant Smaragdo. Virginitatem enim execrantes potius, quàm in honoribus, vel amoribus habeant Hebrææ Mulieres, vno sobolis expectatæ fru&u beatæ. Hæc dum Mystra loqueretur : ecce tibi Gemma Iardia, quæ principem.

pem obrinebat sedem auro spirante medium in locum demissè Smaragdum blanda circuitione complectitur; gemma, inquam, illa, quæ cæteris rubet ardentius Amoris index, cumq. cerâ commisceri non solet, imaginibus obsignandis aptissima iudicatur. Ad hæc Sacerdos exclamans. O amorem, inquit, stabilis Dei sine exustione

flagrantem, & cum virginitate fecundum: Eterni siquidem

Patris Imaginem signabit in utero huius Virginis non

permixtus. Atque hic quidem miraculo defixus

hæsit Antistes; nos verò dignè loqui de Patre

simul ac Virgine, illo obmutescente,

non possumus.

